

大興縣志序

天下事莫易於守成而難於創始著作亦然昔司馬公作史記祖述左國原本世史非漫然獨創者況才識不及司馬萬萬者哉邑之有志也起於周禮有職方之圖班史有地理之志延及後世朝各有志以昭一統省各有志以別方域郡邑亦各有志以紀專域其中詳略異載真贗異傳雅俚異文同為一志而得失較然即其中為所志與不為所志者皆有幸不幸存焉無他志得其人則志成其為志不得其人則志

大興縣志

卷之一序

不成其為志也然無論志成其為志與否亦必各有一志在若並無一志則仰觀俯察於何考稽人官物曲於何紀載忠孝節義於何闡揚是以君子讀志書而於成其為志者幸之即不成其為志者亦恕之未
有首善名邑如大興之從來無志者也茂節淮海末
流

世祖章

皇帝龍飛之初謬膺選拔少慚寡昧壯困鞅掌兩厯
外邑幸告無過瓜期將及十稔矣

輦

轂之下五方輻輳聚天下不耕不織之人於官民糶

聖天

祖功

宗德

大政

命

天子

處之地裂百里在官在民之地與馴獷殊性之人薄
書填委而外日奔馳牛溲馬渤中競競焉求免議而
不可得尚何志之可問哉今
子稽古崇文禮樂政事邁前爍後進金馬石渠之彥
纂輯刪修上自

起居前朝遺乘旁及古史典型山川圖畫以至輿表
地志罔弗重加潤色次第成書凡期以丕顯鴻猷敷

大興縣志

卷之一序

二

揚大烈也於時 兩大京兆張公皆具卓識宏材適
承

蒐羅輿志大興實為天下首邑而載籍缺如懼無以
對揚

之休命茂節猥成茲責俯而思焉自有大興以來遠
不具論即由明迄今今茲邑者不下數十百人皆未
聞有志顧予何人儼然獨創其始鮮不以為愚且妄
矣又伏而念曰甘可受和白可受采有其質也積阜
為山因渠成川有所托也萬物皆從無而之有待其

時也今何時乎我

家典制輝皇百廢俱舉人生幸得遭際明時顧敢以
弁陋朴僿謝厥責耶用是禮聘順天孝廉李君開泰
貢生郝君尚禮徐君北斗實始編輯生員張君采陳
君國銳同校正而參閱則順天府學教授邢君吉士
訓導張君調鼎與有力焉閱歲一載有奇為綱有六
為目三十有二大抵規模悉本府志而增損之校讐
訂正茂節於風塵况瘁中實不敢不殫厥心其間如
輿地營建食貨差足備考惟政事中之名宦職官則

大興縣志

卷之一序

三

仕蹟隱而不傳者甚多人物中之人材節義則掛漏
與訛誤者亦復不少至若隱逸仙釋僑寓不過數人
而藝文則掛一漏萬貽憾無窮總之事當初肇工期
迫成茂節以淺見眇聞滋戾茲土諸君亦復以典籍
淪沒無從徵信覽者以為志不成志而恕之固可罪
之亦可予惟以是書為茲邑創始如甘之受和白之
受采亦既具其質矣續起而修輯者如為山之積篲
於阜為川之濫觴於 庶不患其無所托也云爾
授承德郎直隸順天府大興縣知縣加一級厚丘張茂節撰

大興縣志凡例十二則

一縣舊無志 邑令張公慨然創始復值
兩大京兆張公奉

命新修乃屬泰等分任其事始於康熙二十二年十
二月成於二十三年五月但僅能屬草而已至於
刪削潤色討論校正則 邑令張公實殫厥心至
二十四年十二月始竣厥事

一志之綱有六曰輿地曰營建曰食貨曰政事曰
人物曰藝文悉遵庚戌年重修府志所定體例而

大興縣志

卷之一

凡例

一

目則稍為增減

一輿地首分野地上承天也封建自召公後多不
可考故寧遵府志從缺焉次沿革次形勝山川風
俗古蹟雖乏博稽亦燦若列眉矣

一營建首城池以重根本次壇壝以崇祀事次學
校以隆教源次公署里社郵舍寺觀津梁以備稽
考遠代概未及詳近世文獻多缺覽此亦可得廢
興大概矣

一食貨乃國計民生所係大興戶口稀而田賦少

生聚教養志中三致意焉

一政事首列名宦以重循良而事蹟不詳自漢朱公浮以下則請祀尚有待也至於邑令姓名則明以前皆不可攷豈非無志之過歟詳稽斷補斷於後之君子有望焉

一人物舊志前科目而無節義今以鄉賢居首人才次之列表節義為一類非敢與舊志異同也中或有未確或多遺漏則責在重修者

一科目不紀唐宋遼金元者無籍可徵也由明以

大興縣志

卷之一 凡例

二

來其仕蹟爵位亦俱有不可知者隱逸僑寓仙釋寥寥數人搢觚之下能無慨然

一藝文以備一邑之著作如

論音與奏議皆當悉登而粹莫能稽則寧畧焉詩古文詩歌掛漏至多其說詳於小序茲不復贅

一每卷前有小序慮或有未盡之義則後為按以申明其說大抵此書起有草創紕繆疎闕知所不免覽者恕其謗陋而更為博稽遐考以裁潤之邑乘幸甚

大興縣志目錄

第一卷

輿地

分野考

沿革考

形勝考

附疆域

山川考

風俗考

古蹟考

第二卷

營建

城池考

壇壝考

大興縣志

卷之一 目錄

一

學校考

公署考

里社考 附坊市

郵舍考

寺觀考

津梁考

第三卷

食貨

戶口考

徭役考

田賦考

經費考

物產考

第四卷

政事

名宦考

職官考

武備考

第五卷上

人物

鄉賢考

人材考

節義考

第五卷下

人物

大興縣志

卷之一 目錄

二

科目考

隱逸考

僑寓考

仙釋考

第六卷

藝文

文集考

詩集考

大興縣志卷之一

輿地

分野考

經曰在天成象在地成形高卑雖殊而理與氣實相為通也自班固取三統曆十二次配十二野其言最詳又有費直說周義蔡邕月令章句所言頗有先後魏太史令陳卓更言郡國所入度數微有異同大抵二十八宿之分涖九州諒不誣矣大興為順天首邑地列艮寅之交古稱幽燕之地考天

大興縣志

卷之一

文志箕尾二宿實屬分野或謂

神京攸建則九州之分星莫不旋拱非必如列土分州各有限制然陰陽之精其本在地上應於天斷然不爽若夫薇垣高拱於

宮廷列曜周環於禁衛又不在分野之內矣因集合諸家所說以次列之明乎作志而首天象乃地不敢先天以卑從尊之義云爾志分野

春秋元命苞曰尾箕散為幽州分為燕國

漢劉向曰燕地尾箕分野自尾四度至斗六度為



析木之次

爾雅曰析木謂之津釋者言屬天漢之津梁為燕分也

天文志云自尾十度至南斗十一度為析木於辰在寅燕之分野也當是中台之下下台之上又曰冀主北斗樞星又曰辰星主燕趙代三疆

帝王世紀曰自尾十度至斗十度百三十五分終為析木之次於辰在寅所謂攝提格也

唐志曰尾箕析木津也初尾七度中箕五度終南

大興縣志

卷之一

二

斗八度應北平漁陽等郡

宋志曰尾九星去極一百二十七度半箕四星距西北星去極一百二十一度半

按諸家之說其分度間有不同大約皆以析木尾箕尾燕之躔次是也推步者往往以人事占驗考上谷入尾一度漁陽入尾三度右北平入尾七考涿郡入尾十六度廣陽入箕九度大興在昔或隸上谷或隸漁陽或隸涿郡或隸右北平或隸廣陽要之不離尾箕者近是尾九星雨水旦中大暑立

秋昏中九星如尾象故名尾一星為后妃次三星為三嬪末二星為妾媵其占九星均明小大相承則后宮叙而多子箕四星驚蟄旦中處暑昏中四星如箕象故名箕箕有舌象亦謂之天津又曰天鷄主八風其占四星明朗則五穀熟君無讒間由推步而決徵應似非臆說也歷考譙周京房張衡諸說俱以尾箕分屬幽燕今幽燕為京師順天府大興縣附府之郭其分野與府為一明矣天道深遠難知姑錄其大略以俟參証焉

大興縣志

卷之一

三

沿革考

三代以上無郡縣名秦漢以後帝王之建都不一而郡縣之分隸亦異或隸國或隸郡或隸州或隸路分合廣狹隨時命名雖博物君子猶且以為難稽勢使然也夾滌鄭氏曰州縣之設有時而更山川之形千古不易所以禹貢分州必以山川定經界幽州實分冀州之壤其後有漁陽上谷等名而大興得名實自金始歷元明不易

國朝定鼎大興為都會神臯統萬邦而撫四海雖名

則猶昔而據形勢之勝以奠磐石之宗何數關中
洛下哉昔堯都平陽舜都蒲坂地實有靈其所自
來不可不稽也志沿革

顓頊高陽氏都帝丘帝嚳承之其地北至幽陵即
幽州之域

陶唐氏幽陵在冀州境內

有虞氏肇十有二州以冀州疆域太廣分東北為
幽州

夏后氏受命仍分天下為九州幽復並為冀州

大興縣志

卷之一

四

商亦以九州分統天下幽並為冀州如故

周初分天下為九畿至成王時仍為九州屬職方
氏幽冀為二州與唐虞時九州不同省徐州增幽
州而召公封燕即古幽州地周禮職方釋名幽州
在北方幽昧之地故曰幽又燕之為言燕也其氣
內盛而燕寃也

秦制天下為四十郡以燕為漁陽上谷郡

漢置郡國以漁陽上谷地為燕國元鳳初改為廣
陽郡後漢光武並省郡國仍分十三州部刺史部

州治薊曹魏因之屬范陽郡

晉分天下為十九州部幽州治涿晉亂陷於石勒慕容雋符堅後入於北魏則分割莫可考矣

後魏置幽州

北齊屬東北道行臺

後周分其地置燕范陽二郡

隋置涿郡並幽州之地

唐置幽州屬河北道又屬范陽郡置大都督府

後唐屬盧龍節度使所轄

大興縣志

卷之一

五

石晉天福元年割燕雲十六州以報遼遼會同五年陞幽州為南京幽都府復改為析津府號燕京為建都之始

宋初僅得永清縣置霸州宣和中與金兵合攻遼暫得其地後入於金

金建國徙都燕京改為大興府號中都領大興宛平等十縣

元初為燕京路至元元年改建中都九年改號大都二十一年置大都路總管領六縣十州大興隸

焉

明洪武初設北平布政使司改為北平府永樂遷都改為順天府而以大興名縣為附郭之首邑國朝定鼎因其名而不改仍為大興縣

按大興之先於秦為薊縣以城西北隅有薊丘也周武王封黃帝之後於薊封弟召公於燕項羽封臧荼為燕王都薊諒皆其地矣但上谷漁陽管轄不一范陽涿郡分割多端是以縣治地土之廣狹既紛更難稽而州府統隸之遠近復錯綜難辯直

大興縣志

卷之一

六

至於今大興一邑直隸

神京其規模宏大超越往古矣夫元明闢除於其前國朝維新於其後天定名都地開福域水朝山拱虎踞龍盤則大興首善之區實肇萬世萬疆之祚云爾

形勝考 附疆域

有天下者在德不在險似矣而孔子繫易曰王公設險以守其國則形勝詎非要歟漢都都關中阻三面為守以一面東臨天下自古言扼要者必歸

馬洛陽居天下之中光武嘗都之說者猶謂其交通四達不可守他若晉陽鄴下汴梁之屬又無足論矣大興在昔為召公所封地春秋戰國時以燕代勁兵抗衡秦楚亦其形勢得也地氣旋轉漸盛於金元實始建都明因之猶有幅員限制若夫中外一統臨馭萬國形勢便莫如今日之京都乃天所以祚

國朝也夫一邑有一邑之形勝一郡有一郡之形勝大興附郭順天則一郡之形勝皆其形勝也雖縣

大興縣志

卷之一

七

之疆域有限實操居重馭輕宅中圖大之權况其土守博大而塏爽亘直以砥平豈陘瘠之山阿斤鹵之水國所可比倫乎因約略三輔規模而以疆域里數附之譬諸天象大興其薇垣而九州四海其列宿也歟志形勝

東枕遼海沃野數千里乃

本朝肇基之地闕山以外直抵盛京氣勢龐厚周文武之豐鎬不是過也天津襟帶河海運道咽喉轉東南之粟以實

天庾通州屹為畿輔要地密雲遵化

盧龍重關險固洵可稱天 粵 矣

北則居庸聳峙為天下九塞之一懸崖峭壁
都城北道門戶實操鎖鑰焉而天壽山龍飛
雄秀綿亘壯哉金湯之勢也昌平繡壤鱗錯
安之鄆杜歟迤邐西北雄關疊障直接宣府
也自古帝王皆南面

之

山秀色甲天下

大興縣志

卷之一

八

玉泉海

麗竊恐終南嵩少不足多矣

截立即古桑乾河京邑之灑 也

道而保定有重臣駐節接壤真定雄州劇邑

羅又奚羨扶風馮翊哉

皆平野沃壤桑麻榆 百昌繁殖地

必督 歟漸遠則瀛海為古河濟交匯

也廣平入名殷繁 海內 東南之

北

航車馬絡繹奔赴皆自南而北以奉神京比之關陝則今日之轉輸為便較之嵩洛則燕山之險阻堪依豈非古今第一形勝直至國朝始愈著哉

附疆域

大興分土東西約計一百五十里南北約計一百五十五里編戶三十六里

正東縣基至朝陽門計四里朝陽門至新橋計二里新橋起至定府莊止計二十里縣屬與通州交

大興縣志

卷之一

九

界

正南縣基至永定門計十五里永定門至棗林村計五十里棗林村至荆家鋪計三十里縣屬與東安縣交界

正西縣基至後宰門計三里接宛平界

正北縣基至安定門計一里安定門至燕丹村計二十五里燕丹村至海青廟計六里接昌平界

東南縣基至左安門計二十五里左安門至圍城計四十里圍城至青閨店止計五里與金吾衛交

界

西南縣基至右安門計二十里右安門至大營村計四十里大營村起至西里河止計四十里接東安縣界

西北縣基至鼓樓計二里接宛平界

東北縣基至東直門計三里東直門至果村壩計六里果村壩起至八間房止計四里縣屬與彭城衛交界

按大興縣治都城以東與宛平縣中分故西北境

大興縣志

卷之一

十

皆屬苑平所轄然疆域則限於里數不得而越形勝則統於都城不得而略也今列形勝於其前雖云未盡而規模之壯闊亦大概可睹矣至於疆域限於幅員雖田賦無幾然自古帝王建都之地山陵城郭郊壇苑圃以及功臣賜地占其八九况以近馭遠以少制多豈以一邑之廣狹為廣狹也乎

山川考

聞之積形成地高者為山下者為川所自然矣有天下者因其形勢為國都為郡邑設官分治之上